

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 50		Ramhlun North: Ni 13 December, 2025	
 BRANCH THU THAR ■ Ni 12.12.2025 (Zirtawpni) zana Branch YMA Hruaitu thlanaah Ramhlun North KTP-ten an projector min hman tir a, an chungah kan lawm hle.		2026 OFFICE BEARERS THLAN A NI (President-ah Pu Laldinglana Sailo) Ramhlun North, the 13th December, 2025: Ni 12.12.2025 (Zirtawpni) zan dar 7:00 khan kum 2026 chhunga Ramhlun North Branch YMA Office Bearers thlanna Ramhlun Indoor Stadium-ah neih a ni a, hruaitu thlan tharte chu heng mite hi an ni: President: Pu Laldinglana Sailo Vice President: Pu Lalrochama Secretary: Pu Biakchungnunga Assistant Secretary: Dr. Joseph Lalhminglana Treasurer: Pu Rorelliana Finance Secretary: Pu Thandinglana Section tin atangin Special item pakhat theuh ngaihtlak a thlir ho a ni. Special item neite chu: Tv. Lalawmpuia Tochhawng (Ventriloquist), T-Sec. Nl. Lalduhzuali & Nl. Helen Lalsiamthari (Duet), N-Sec. Nl. Lalrinfeli Khiangte (Solo), V-Sec. Tv. D. Lianmanga (Solo), S-Sec. Nl. Lalmuanpuii (Solo), C-Sec. Nl. Ruth Lalhmingmawii (Solo), K-Sec. He hunah hian kum 2025-a Ramhlun North Branch YMA member chatuan ram pan mi 25 sunna hun neih a ni bawk. Tin, Ramhlun North Branch Secretary, Pu Biakchungnunga hnen atangin Branch sum dinhmun, Branch, Sub-Committee, Section hrang hrang hmalakna leh chetvelna te tarlan a ni. (Issue lehah a kimchanga tarlan a ni ang).			
 SECTION THU THAR ■ Saizahawla Section: Ni 9 leh 11 zan a Section huam chhunga mi harsa te puala Krismas Carol kan neih ah min thlengtu leh tawiaawmtu zawng zawngte chungah lawmthu kan sawi a ni.					
 CENTRAL YMA THU THAR ■ Mizorama kawngpuite a lo that zawk theihna tura Central YMA leh MPWD thawhhona thuthlung leh YMA Inkhawmpui Lian, 2025 thurel “Mizoram chhunga inkalpawhna kawngpui hrang hrang a chhiat avanga mipui ten harsatna kan tawk nasa lutuk thin hi a lo ziaawm theih nan Mizoram sawrkar-in tun aia chak zawkin hma la rawh se” tih bawhzuina kawng khat atan Central YMA OB, CEC ten Sairang to Vairengte leh Hlimen to Samtlang to Lungleng kawng thawm that hna thawh mek chu a hmunah an enfiah a, hnathawktute nen chak zawka hmalak dan tur an sawiho. ■ District Judge Meeting Room-ah District Legal Services Authority buatsaihin Distribution of Victims of Crime Compensation hun hman a ni a, Pu S.F. David Ngursangzuala Asst. Secretary leh Pu L. Ramdinlana Renthlei CEC te an tel. ■ Mizo Language Development Board (MLDB) buatsaihin Secretary, MLDB Pisa-ah 8th Scheduled chungchang sawihona hun hman a ni a, Prof. Malsawmliana Gen. Secretary leh Pu L. Ramdinlana Renthlei CEC te an tel. ■ Secretariat Conference Hall-ah Krismas leh Kumthar vuakvet a Halpuah leh Halmawi khap chungchang meeting neih a ni a, Central YMA OB te an tel.		YMA KUMPUAN “RUIHHLO DO” HAWNG Ni 10.12.2025 (Nilaini) zan dar 8.30 khan kum 2025-2027 chhunga YMA kumpuan “Ruihhlo Do” chu Vanapa Hall-ah Central YMA President, Pu. R. Lalngheta’n a hawng. Kumpuan hawwna inkhawm hi Prof. Lalnuntluanga, Vice President in kaihruai in, Er. H. Duhkima, Treasurer in hunserh a hmang a, Prof. Malsawmliana, Central YMA General Secretary in inhmelhriattirna leh kumpuan chungchang inhriattirna hun a hmang bawk a ni. Pu R. Lalngheta, President chuan, “Khawlai a kan unaute thle mai mai riahna tur tha neilo te, Central YMA kumpuan ten hma la tanin TBCC ah dah thlak tan leh a ni ang a ti. Ruihhlo do hi a sawt tih a takin ka hria, Pafa inbe thei tawh lo ten, in ngai tak a an han awmho/ inkawm leh te hmuh hian a hlawhtlin zia kan hmu, ruihhlo ngai te diriam lo in, an tan a tha turin YMA hruaitute, ruihhlo ngaite chhanchhuak turin kan puanven i sawi chhing i la, fimkhur tak leh dik takin Ruihhlo i do tlang ang u. Dan chung a leng kan nilo tih erawh hre thar ila. Dik tak leh huai takin Ruihhlo i do ang u, Ruihlo kan do hi kan thawk thlawn lo. A la ti ve lo ten an tih loh nan, inzirtirna tam zawk kan neih a ngai a ni.” tiin kalkhawmte a chah. Ruihhlo zuarte pawh sim turin leh eizawwna dang ngaihtuah tan turin a ngen bawk a ni. Kumpuan hawwna inkhawmah hian Central YLA hruaitute sawm an nih angin Pu JH Lalrindika, General Secretary in thu tawi a sawi. He hunah hian Central YMA chuan ruihhlo ngaite enkawlina neitu, Pi Lalruatpuii, Founder Operation Kingdom Ministry (OKM) leh Pu TT Zohmingthanga, Tawngtai Bethel Camping Centre (TBCC) te hnenah chawimawina thuziak an hlan. Lalsanglana (Taitea), Youth Icon hnenah mipuite ruihhlo that lohna zirtir kawnga hma la tura “Palai” (Ambassador) a ruatna hlan a ni bawk. Kumpuan hawwna hunah hian Aizawl khawpui chhunga YMA Branch 112 aiawh mi 6 theuh an tel thei a, Pu SF David Ngursangzuala, Central YMA Assistant Secretary in lawmthu sawina hun a hmang a ni.			



Editorial

Hruaitu Thar te Pual in

Kum 2026 atâna Ramhlun North Branch YMA hruaitu tur chu kan thlang zo leh ta a. Kan sawi ngai sawi nawn fo a ngai thin.

A hlâwk em, chhûngkaw tân hnemhnâna a awm em tih azâwnga chhût râlah chuan YMA hi khawvêla pâwl kaihhruai hlâwk lo ber zînga mi a ni ngei ang. 'Branch YMA-ah kum eng emaw zât a OB a, RCC building a sa' tih te, 'contract a hmu,' etc. tih te hi sawi tur kan hriat ka ring lo. Mi ina an tlaivâr zât te, thlân an lai h zât te, mi mut reh laia thaw sa phat khawpa tha leh zung an sên ral tawh zozai te, mi tâna malsâwmna ni tura an luan ralna zozai te hi chhût chuan khawvêla hausak phû ber chu YMA hruaitute hi an ni ngei ang. Mahse, YMA rawngbâwna hian sum leh paia hlâwkna a keng ngai lo hi pâwl ropui a nihna lai ber chu a ni thung si.

Chutiang tak pâwla hruaitu ni phâk pasal̃hate hi mi famkim zawng an ni bîk lo ve. 'Chak lo leh chau tak chung a kan mamawh avânga bei hrâm hrâm̃tute' an ni tih hi kan theihnghilh ngai tur a ni lo. Politician te'n "Khawngaihin min lo vote teh u, chumi khami chu ka ti ang," ti-a kan kawngkhâr rawn kik thintute laka kan huat thu kan tichhia-a, kan mit an tlin loh hleka kan sêl vak vak thin te hi chu a tur ve rêng a nihna chen a awm; mahse, hlawh chêng khat mah nei lo, phûl lêt nei miaih lova rawng min bâwlsaktu, kan lusûn lungngaih min hnêm thintu, kan mamawh avânga kan koh êih thin, kan in chhûnga kan manganna avânga rawn chuangkai var thintute lakah hian tehna kham sâng lutuk thin lo ila, an tlin lohna apianga ngaidam tur leh, an kaiza vêng tur hian rilru i siam tlat thin teh ang u.

Social media-a vêng leh khawtlâng hmangaih ber ber, thil̃ tha hre êm êm, khawtlâng hruaitute tih dik tâwk loh lai hre thei êm êm, 'mi fîng danglam tak' hi mi tam an awm ngai lo nân, a awm chhunte hi kan hruaitute tihnualtu ber an ni fo thin. Kan hruaitute hi thlâwp tlat ila, an lakah kan lei, kan kut i vêng deuh thin ang u.



KHAWTHLIR

LÛRH TLÂNG

Mizo tlâng hmingthang zingah hian Lûrh Tlâng hi a lâ ber te zinga mi a ni a. Mizo history leh thawnthu nena inzawmna thuk tak an neih avângin a hmingthang em em reng a ni.

Mizoram hmarchhak Khawbung leh Tiau lui bula awm a ni, Farkawn rama awm a ni. Farkawn khaw chung lam chu ram pharh nuam tak a ni a, chhuah lam Tiau lui dep chu kham ropui leh chhengchhe tak satharte tual lenna a ni.

Pi leh pute chuan he tlâng an han hmuh hian sang hle in an hria a, a aia tlang sang dang hi awm lo hialin an hria a. A chhipa khua han chuan phei chuan mitthi khuate pawh a lang thei hial in an ring a. Chutiang khawpa tlâng sang anga an ngaih, tlâng sang bik lûrh mai a nih avâng chuan Lûrh Tlâng tih a lo ni ta a ni.

Pi leh pute'n a tlâng chhip a tâng a mitthi khua an hmuh theih hial tura ngaih a ni, Lûrh tlâng sang tak mai hi Mizoram tlâng sang palina nia hriat thin niin, meter 1935 (ft 6350) vela sang a ni.

A hming ang maia tlâng sang lûrh mai a ni a. Mizoram tlâng dang ang lo takin chhuah lam chu khamrang ten vung mai a ni a. Kham chhawrdawh ropui tak tak intiang chhawng ûr mai a, pûk danglam tak tak pawh awmin satharte tana chenna nuam a ni thung. Tlak lam ram a inpharh duai a, tlâng dung inpharh duai mai chu hmun rem leh nuam tak a ni thung a ni.

Lûrh leh a chhehvel ram hi ngâw hmun a that avângin thlasik vanglai chuan a vawt hle thin. Nipuiah a lum lutuk lo va, boruak dai nuam tak hnuaiah Lûrh tlâng leh a chhehvel a fan theih. Eng lai pawhin zothlifim a thaw heuh heuh reng thin.

Awih tân hmun chhengchhe takin a hual vel lei phihrit leh lungte thil tamna hmun ni bawk mah se, hmun thenkhat lai chu ram chang leh lei hmun a ni thung.

A ram a tha a, a leilung a nghet baw a, buh leh balte'n an ngeih a, thing leh maute hi hmun dang aiin a tha bik emaw tih mai turin an thang duang bik a ni. Lûrh tlângah hian hruihnang chi hrang hrang pawh a tamin a tha duh hle a ni.

Tûn hma a tâng a ramsa tamna hmun thin a ni a, tûn hnu thleng pawhin ramsa leh nungcha tinreng an la awm a ni. Hmanlai ang em chuan an tam tawh lo.

Lûrh tlâng hi tlâng langsar tak a nih angin hmanlai chuan tlâng lal thil-ti-thei tak thuthmun ni-a ngaih a ni thin. Lasite hi an tam em em a, Lûrh bawm vela pasal̃tha ramchhuakte chu an lo ngaizawng thin a ni.

A bik takin Tan leh Lûrh te hi ramhuai tamna hmuna sawi a ni thin. Ramhuai lalpa, Tlâng lal chu a thikthu a chhia in tih lawm loh an hlau hle thin a ni. Zannah te hian a tirhchhiahte chu Tau Meichher Chhi an ni a, Lûrh tlâng leh a velah hian an inzui kawi duah duah thin a ni.

Lûrh leh Tan tlâng hian kan pipute hun lai chuan hmun a luah thuk em em thin. Upate chuan ramhuai hmunpuiah an ngai a, inthawi nan an hmang thin.

Sawi tawh angin Mizorama tlâng langsar tak a ni a, ramhuai tamna hmun leh ramsa tamna hmuna sawi thin a nih avângin hriat a hlauh hle thin a ni. A ti hmingthang zual leh turin Chawngtinleri leh Lasi thawnthu hrang hrangte vâng a ni.

Lûrh tlâng pangah hian Lasi Kawngkhar an tih chu a awm a, kawngkhar frame fel taka inrem ang hian lung kawngkhar a awm a, kil pawh a nei ve thlap a ni. Hetiang anga han kêr mawi tur chuan an hunlaiin hmanrua a awm si lova, thil mak leh dangdai tak a tling.

Lûrh tlâng hmingthang tak hi ni khar thil thua fan zawh mai theih pawh a ni lo, a kham chhawrdawh ropui takte hi hmuhnamw tham a tling a, adventure lam tui mi tan pawh nunchan zirna atana itawm tham tak a ni.

LO/HUAN NEITE TAN A THU LAWMAWM

Lungchuang Trades chu Directorate of Agriculture & Farmers' Welfare hnuaia Empanel Supplier Kan nih ang in Huansam khawl (Brushcutter) leh Power Tiller (Leilehna) te subsidy in Kan pe thei e.

Tin, dawr a thawk tur mamawh a ni e. “Two wheeler khalh thiam leh Ramhlun North a cheng duhsak an ni ang. “Hlawh chu inbiak remna.

Lungchuang Trades, Ramhlun North, Near Zangena Petrol Pump
Contact: 9436757708

FREE SERVICING, FREE SERVICING

Tui filter current hmang, eng company pawh, kan hnen atanga lei leh lei lo pawh a thlawn in Ramhlun North huam chung tan servicing kan tih sak thei e.

Spare parts chikim kan kawl baw e.

Ph: 8787597708/ 9362300611/8415901776

MARYMA	PHEK 3-NA	RN YMA CHANCHINBU
 ZIN & HAW ■ Pu Rorelliana, Treasurer chu chhiattawhna thilah Chhingchhipah a zin. ■ Dr. Vanlalhlana Bialtu MLA Delhi-a a mît a lungte awm zai chu a lo haw leh ta. ■ Pu Roṭhuama, C-Sec. Delhi-a in check-up a kal chu in lama enkawl chhunzawm turin an lo haw leh ta. ■ Nl. Lalruatkimi Khiangte, d/o Lalremzovi C-Sec.chu a hna thawhna hmun Saitual aṭangin a rawn haw. ■ Pi Lalhlimpuii Ralte w/o Lalmalsawma Sailo, C-Sec. hna thil avanga Delhi kal chu a lo haw leh ta. ■ Nl. Lalremtluangi d/o Lalzarliana, C-Sec. a nuṭa nupui neih vanga lo haw chu a hna thawhna hmun Boleng, Arunachal Pradesh-ah a kal leh ta. ■ Pu R. Laṭanpuia, C-Sec. chu Kolkata-ah in check-up turin an kal leh ta. ■ Nl. Ramngaihzuali d/o Sangnghinglova, C-Sec. chu a hna thawhna hmun Jharkhand lam panin a kal leh ta. ■ Pu Jeremiah L. Fanai, T-Sec. a fanu dam lohna avanga Delhi-a kal chu a lo haw leh ta. ■ Nl. Carie Zonunremi, Pu Andy Vanlalduhthlana leh Pi Zohmingsangi Zote, T-Sec. te chu thil pawimawh buaipuiin Guwahati-ah an kal. ■ Pi R.K. Lalfakzuali w/o John F. Lalrinsanga, N-Sec. chu hna thilah a zin. ■ Nl. J. Malsawmkimi d/o Lalnunmawia T-Sec. Pune-a awm chu chawlh hmangin a lo haw. ■ K. Rohlupuii d/o K.T. Thangdingliana, N-Sec. chu Yonex-Sunrise 37th Sub Junior (Under 13) National Badminton Championship, Bhagalpur, Bihar-a neih tur ah Mizoram aiawh in a kal. A pa in a kalpui. ■ Dr. Lalthanliana, Pu R. Lalrinmawia, Pu Lalrinpuia, Pu Laṭanpuia, Pu Lalthanhlira leh Pu Vanlalrina, te chu Missionary Nl. Lalremtluangi thawhna hmun Boleng, Arunachal Pradesh tlawhin an kal. ■ Nl. Helen Zochhingpuii Zote d/o Biakzuala (L), V-Sec. hna pawimawh a Kolasib zin chu a lo haw leh ta.	 DAMLO ■ Pi T. Ngaihawmi m/o Pi Lalniṭhai, S-Sec. chu Nazareth Hospital Chaltlangah enkawl mek a ni. ■ Pu Malsawmthara K-Sec. chu Greenwood Hospital aṭangin in lama inenkawl chhunzawm turin a lo chhuak. ■ Pu L.P. Lalhlimpuia, C-Sec. chu Synod Hospital, Durtlang aṭangin dam takin a lo chhuak. ■ Pu Chalhmingthanga, C-Sec. chu natna hrang hrang vangin Civil Hospital, Aizawl ah enkawl mek a ni. ■ Pu Daniela, C-Sec. chu a ke ruh a tliak avangin in lamah enkawl mek a ni. ■ Gabriel Lalthlamuana s/o Paul Vanlalnghaka, S-Sec. chu hritlang/ thawhah vangin Nazareth Hospital-ah enkawl mek a ni. ■ Pi Councilthangi w/o Hmuakliana, N-Sec. chu kawṭhalo avangin LRM Hospital-ah enkawl mek a ni. ■ Pu K. Zosangliana, C-Sec. chu LRM Hospital ICU-ah enkawl mek a ni. ■ Tv. Lalchhandama s/o R. Dama, S-Sec. Ebenezer Hosptial a kawng zai chu in lam a inenkawl chhunzawm turin a lo chhuak. ■ Pi Thangmani, K-Sec. chu Agape Hospital ICU, Chanmari ah enkawl mek a ni. ■ Pi Lalthlamuani w/o Ex. Hav. Thanzauva (L), S-Sec. Care Hospital, Aizawl aṭangin a lo chhuak leh ta. ■ Pi Zosangliani w/o K. Rohmingthanga (L), V-Sec. chu Apollo Hospital, Kolkata-ah a kawng zai a ni. ■ Pu Chhunkhama, N-Sec. Care Hospital, Aizawl a awm chu in lama in enkawl chhunzawm turin a lo chhuak.  PAWL DANG ■ Ramhlun North Cricket Club: Cricket Association of Mizoram hnuai a 3rd Division Screening Tournament neih mek ah ni 11.1.2025 (Ningani) khan Ramhlun North Cricket Club chuan Inning Stars CC chu wicket 10 in an hneh. Ni 17.12.2025 (Nilaini) chawhnuah Dawrpui Vengthar Cricket Club nen an inkhel leh ang. ■ Joint Action Committee: Hunpui kan thleng chho dawn a, JAC, Ramhlun North te pawhin theihtawp chhuahin vengchhung mipuite kan him theih nan Duty turte inruatin hmun hrang hrangah an duty ṭan dawn a ni. Chutihruai chuan chhungtinte pawh fimkhur thar leh ila, harsatna kan neih chuan kan vengin Security kan rawih te an phone number tarlanah hian zan lamah an biak theih reng a ni. Ph: 8731073446  THILDANG ■ Ruang chhuak: Lalzari K-78 chu ni 09.12.2025 zing dar 4:00 khan a boral a, Pu H. Lalnunsanga, V-Sec. te inah chawlhpuia a nih hnuah an khua Ratu panpui a ni.	 LOCAL COUNCIL 1) Hmundang aṭanga kan venga rawn pem zawng zawngten mahni khua / veng Local Council emaw Village Council aṭangin emaw pem lehkhawm neih ngei ngei tur a ni. Inluah tur neite pawhin pem lehkhawm nei lo chu inluah tir loh tur a ni a, eng harsatna pawh thleng se in neitu leh a luahtu te angkhat renga ngaih tur a ni a, Local Council-in mawh a phur lovang. 2) Local Council hmalakna, a bikin Traffic leh Ran khuahkhirh chungchangah vengchhung mipui ṭawiawmnaah lawmthu kan sawi a, mitin ten vengchhung hmalakna ṭawiawm chhunzawm zel turin kan inngen nawn leh a ni.  KOHHRAN ■ Presbyterian Kohhran, Ramhlun North: Kum 2026 a Ramhlun North Branch KṬP Hruaitu turte: Leader: Tv. K. Lalchhanhima Asst. Leader: Pu C. Lalrintluanga Secretary: Tv. Lalhruaizela Asst. Secretary: Emanuel Lalpekhlua Treasurer: Nl. Lalhmangaihi Fin. Secretary: Tv. Rothangmawia Tochhawng Vawiin nileng hian Children Fellowship ten RSC Field-ah Sports an nei. ■ St. Thomas Church, Ramhlun North: Diocese Catholic Thalai Pawl Inkhawmpui - Vawi 21-na, St. Francis Xavier's Parish, Lawngtlai a neih mekah St. Thomas Branch Ṭhalai Pawl, Ramhlun atang member kal zat - 43 an kal. Inkhawmpui ah Diocese pumpui huapin Zaipawl intihsiaka Lawmawm 2-na leh Quiz competition ah 3-na leh Chanchinbu ṭha thlan naah te lawmawm an dawng. Branch angin zaipawl leh skit an nei ang. ■ The Salvation Army: RED KETTLE SERVICE The Salvation Army te'n khawvel pumah Krismas dawn apianga an hman thin khawlai ah Band te'n rimawi tuma mi harsa zawkte tanpui nan a bawm dawh (Red Kettle Service) chu kalpui mek zel a ni a. Ni 13.12. 2025 (Inrinni) chhun dar 12:00 aṭang hian Ramhlun Corps Band te pawhin Ramhlun North Diet peng (Sumo stand) ah he hun hi an hman dawn a. He hunah hian mi harsa leh chanhai te pual in bawm dawh a ni ang.  LEO PLUS Mipa pheikhawk Smart shoe, Loafers, Sneakers hrang hrang, Casual, Boot duhthlan tur kan nei e, hmeichhe Sneakers leh Naupang pheikhawk kan nei bawk. Hitz Company, Intac School Shoe Dealer kan ni, School Shoe hrang hrang kan kawbawk e. D-67, Third Floor, Millennium Centre. Contact : 8974773566/ 7005231315

MARYMA

PHEK 4-NA

RN YMA CHANCHINBU

ARTICLE

RUIHHLO HLAUHAWMNA

- Tlangtimawia Zote, Ex-President, RNYMA

Ruihhlo (drugs) hi mawl tea kan sawi chuan "Damdawi" tihna a ni mai a, mihringin kan natna tihdam nan emaw, kan nâ te chhawk nana mi thiamte'n an siam a ni.

Ruihhlo (drugs) hi a hmanna tur leh a hman dan tur ang taka doctor te'n an chawh ang ni lova, taksa leh rilru awm dan phung pangngai khawih danglam tura chawhpawlh emaw hman a nih chuan "Drugs abuse" emaw "Drugs Ngaihna" kan tih hi a ni.

Drugs Ngaihna kan tih hian damdawi atan ni si lo, ruih nana kan hman hi a kawkw deuh ber a ni.

Drugs ngaihna hian -

(a) Dan bawhchhiatna.

(b) Vantlang tana mi hnawksak nihna te.

(c) Chhungkaw tana mi ñangkai lo nihna te.

(d) Rilru lam âtna te.

(e) Taksa natna leh thihna thlengin, a thlen thei a ni, hei vâng hian ruihhlo hi a hlauhawm a, ram leh hnam hmelma dik tak a ni.

Miin drugs a tih tawh chuan -

dawt sawi a ching ngei ngei a.

a thatchhe ngei ngei bawkw, rukruk leh mi bum te a pawisa lova, mahni inchhung nuam a ti hek lo. Chuvangin chhungkaw tan leh ram leh hnam tan mi hnawksak a lo ni mai ñhin a ni.

Drugs hna thawh chuan taksa a tichhe tual tual a, chaw ei te a ti tui lova, an cher tial tial ñhin. Chuvang chuan natna hrang hrangin a tlak buak awlsam bik a, tin, heng bakah hian thihpui mai theih natna pathum an pai reng a -

(1). Drugs lak tam luat avânga thihna (OD).

(2). Mahni inhuat vâng intihhlumna (Suicide).

(3). Taksa a eichhiat avânga thih mai theihna.

Heng pathumte bakah hian an thlarau dinhmun a derthawng em em a, thlarau lam thil an rilruah a lut hlei thei lo va, Pathian hnaih aiin an hlat deuh deuh zawkw ñhin a ni.

Kan khawtlang a drugs rawn zuar tute hi kan hmelma lian a ni tih i hre thar ang u. Ruihhlo do hi YMA hruiatute chauh tih tur a ni lova, khawtlang mipui hian YMA hruiatute tha tichak turin ke i pen ang u. Kan unau drugs in a bawhbeh te hi chhanchhuak turin nang leh kei hi kan pawimawh ber a ni.

ADVERTISEMENT

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e.
Ph: 7005010327 / 9774223462 (10-9)

SP TUI

Tui hna thianghlim, ei leh in tlak, litre 2000 pickup trip kan pe thei e.
Mobile: 9615789047 (5-2)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.
Rate: inbiak remna. (10-8)
Registration: MRS 542
Contact: 9862476439

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.
Rate: Inbiakremna Ph: 8119969364 (10-8)

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e (20-8)
Contact - 9862344971 Bawngkawn South

L.H SEPTIC TANK SERVICE

Septic tank paihfai leh repairing engkim kan thawk thei e. Kum 17 chuang experience nei kan ni e.
Rate:4500 per trip (30-27)
Ph.6909183193

TLUANGTEA SEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.
Contact: 6033373188/9612376373 (5-5)
C/o Marina: 9436140350

FANAISEPTIC TANK SERVICE

Septic tank paihfai leh repairing engkim kan thawk thei a, experience tha tak kan nei e. Rate hi INBIAKREMNA (5-4)
Mb. 9863524969/ 9366506115

VANLALFELA SEPTIC TANK SERVICE

Septic tank paih fai, commode block, pipe, soak pit ñha lo leh a thar pawh kan siam theih reng e. Kan silhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm.
Contact: 9436199884 10-2

PUIA SEPTIC TANK SERVICE

Septic tank paihfai, commode block, pipe, commode fitting, soakpit leh a khur repairing engkim kan khawih thei e.
Rate: INBIAKREMNA 10-2
6909266562

ARTUI WHOLESALE

Artui thar tha WHOLESALE in kan zuar e.
DIET peng, LAD Building
Ph: 9862316107

DIN DIN ELECTRICALS

Electric Bungrua chi hrang hrang rate tlawm takin kan pe thei e. Ina awm chilh kan nih avangin engtiklai pawhin kan pan thei e.
Ph: 9366102425
RAMHLUN NORTH PRESBYTERIAN HNUNG

BUSY BEE PRE SCHOOL & DAY CARE

ADMISSION 2026

We believe every child is full of wonder, creativity, and potential. Our pre school nurtures curious minds, builds confidence, and lays a strong foundation for lifelong learning.

Lunch provided every Monday and Friday

Caring & experienced teachers

Safe & stimulating learning environment

One of the Oldest Pre school in Aizawl town with the best service.

15 YEARS EXPERIENCED

Contact Us
9862007879
9862751725

Pre School - 9:30am to 5:00pm
Day care: 9:30am to 5:pm
(Summer) 4pm (Winter)

Our Location
B-51, Ramhlun North
Industry Peng

Published & edited by Eddie Lalfakzuala for and on behalf of Ramhlun North Branch YMA. Copies- 1,270